



ԹԱՆԳԱՐԱՆԱՅԻՆ ԶԲՈՍԱՇՐՋՈՒԹՅԱՆ ԶԱՐԳԱՑՄԱՆ ՄԻՏՈՒՄՆԵՐՆ

ԱՇԽԱՐՀՈՒՄ ԵՎ ՀԱՅԱՍՏԱՆՈՒՄ

DOI: 10.52174/2579-2989_2023.2-40

Հիմնաբառեր. թանգարան, թանգարանային զբոսաշրջություն, այցելու, արվեստի գործ, մարքեթինգ

Գայանե ԹՈՎՄԱՅԱՆ

Տնտեսագիտության
թեկնածու, դոցենտ

2010 թ. գերազանցությամբ ավարտել է ՀՊՏՀ-ն՝ կառավարում մասնագիտությամբ: 2014 թ. ստացել է փնտրագիտության թեկնածուի գիտական աստիճան, 2021 թ.՝ դոցենտի գիտական կոչում:

2016 թ.-ից ՀՊՏՀ «Ամբերդ» հեփազդության կենտրոնի աշխատակից է:

2016 թ.-ից դասավանդում է ՀՀ ՊԿԱ-ում, 2019 թ.-ից՝ ՀՊՏՀ կառավարման ամբիոնում, 2023 թ.-ից՝ Երևանի պետական համալսարանում:


120-ից ավելի գիտական հրատարակումների, այդ թվում՝ վեց մենագրության և երեք ուսումնական ձեռնարկի հեղինակ է և համահեղինակ: Հոդվածներից 11-ը տպագրվել են Scopus և Web of Science շտեմարաններում ընդգրկված ամսագրերում:

 <https://orcid.org/0000-0002-4131-6322>

Web of Science ResearcherID:
AAH-5677-2021

Scopus Author ID: 56690085600

Թանգարանային զբոսաշրջությունը մշակութային զբոսաշրջության փարատեսակ է, որի դեպքում զբոսաշրջիկներն այցելում են թանգարաններ՝ պատմամշակութային որոշակի արժեքների և ժառանգության հետ ծանոթանալու: Թանգարանային զբոսաշրջության շուկան 2022 թ. գնահատվել է 20 մլրդ ԱՄՆ դոլար: ՅՈՒՆԵՍԿՕ-ի տվյալներով՝ ներկայում աշխարհում թանգարանների ընդհանուր թիվը շուրջ 104 հազար է, իսկ դրանց քանակն ամենամեծն է ԱՄՆ-ում՝ 33082: Աշխարհում լավագույնն են համարվում Լուվրը, Մետրոպոլիտեն արվեստի թանգարանը, Էրմիտաժը, Վարիկյանի թանգարանները, Ուֆիցի պարկերասրահը, Օրսեի, Պրադոյի թանգարանները, Բրիտանական թանգարանը և այլն: Հոդվածում ներկայացվել են աշխարհի լավագույն, ինչպես նաև չկրկնվող և եզակի թանգարանները, թանգարանների այցելուների տեսակները, վերջին փարիներին թանգարանային զբոսաշրջության զարգացման միտումները, թանգարանների կողմից այցելու գրավելու հիմնական մարքեթինգային գործիքները: Վերլուծվել է նաև թանգարանային ոլորտը ՀՀ-ում և նշվել թանգարանային զբոսաշրջության զարգացման համար անհրաժեշտ քայլերը:

 Թանգարանների միջազգային խորհուրդը (International council of museums (ICOM)) «թանգարան» հասկացությունը բնորոշում է հետևյալ կերպ. «Թանգարանը հասարակությանը ծառայող ոչ առևտրային հաստատություն է, որը հետազոտում, հավաքում, պահպանում, մեկնաբանում և ցուցադրում է

նյութական և ոչ նյութական ժառանգությունը: Հանրության համար բաց, հասանելի և ներառական թանգարանները խթանում են բազմազանությունն ու կայունությունը: Նրանք գործում և հաղորդակցվում են էթիկական, մասնագիտական ձևով և համայնքների մասնակցությամբ՝ առաջարկելով տարբեր փորձառություններ կրթության, ժամանցի, գիտելիքի փոխանակման համար»¹:

Թանգարանային զբոսաշրջությունը կարելի է բնորոշել որպես զբոսաշրջիկների այցելություն թանգարաններ՝ պատմամշակութային որոշակի արժեքների և ժառանգության հետ ծանոթանալու նպատակով:

Թանգարանային զբոսաշրջությունը մշակութային զբոսաշրջության տարատեսակ է:

Թանգարանային զբոսաշրջության շուկան 2022 թ. գնահատվել է 20 մլրդ ԱՄՆ դոլար, և կանխատեսվում է, որ 2032 թ. կհասնի մինչև 35 մլրդ ԱՄՆ դոլարի՝ տարեկան աճելով 13 տոկոսով:

Համաշխարհային թանգարանային զբոսաշրջության շուկայում առաջատար են հետևյալ թանգարանները՝ Լուվր, Չինաստանի ազգային թանգարան, Ռուսական թանգարան, Լոնդոնի գիտության թանգարան, Շանհայի թանգարան, Վատիկանի թանգարաններ, Պրադոյի թանգարան և այլն²:

Թանգարաններն այսօր զբոսաշրջության արդյունաբերության հիմնական մասն են: Զբոսաշրջիկներից շատերի այցելության հիմնական նպատակը հենց թանգարաններ այցելելն է:

Աշխարհի լավագույն թանգարաններից են³.

1. **Փարիզի Լուվրի թանգարանը** (Louvre Museum), որտեղ պահվում է 38000-ից ավելի արվեստի գործ: Գլուխգործոց-



ներից է Լեոնարդո դա Վինչիի «Մոնա Լիզան»: Հիմնադրվել է 1793 թ., տարածքը 72735 քառակուսի մետր է, պատկերասրահների թիվը՝ 100: Մեկ անձի մուտքավճարը 17 եվրո է⁴:



2. **Նյու Յորքի Մեթրոպոլիտեն արվեստի թանգարանը** (Metropolitan Museum of Art (MET)), որը ներառում է 2 մլն արվեստի գործ: Գլուխգործոցներից է Ժակ Լուի Դավիդի «Սոկրատեսի մահը» նկարը: Հիմնադրվել է 1872 թ., տարածքը 58820 քառակուսի մետր է, պատկերասրահների թիվը՝ 280: Մեկ անձի մուտքավճարը տատանվում է 17-30 դոլարի սահմաններում⁵:
3. **Սանկտ Պետերբուրգի Էրմիտաժ թանգարանը** (Hermitage Museum), որտեղ ցուցադրվում է 60000-ից ավելի արվեստի գործ: Հիմնադրվել է 1764 թ., տարածքը 66842 քառակուսի մետր է,

¹ Museum Definition, <https://icom.museum/en/resources/standards-guidelines/museum-definition/>
² Museums Tourism Market Outlook (2022-2032), <https://www.futuremarketinsights.com/reports/museum-tourism-sector-overview>
³ Այս դասակարգման մեթոդաբանության հիմքում հետևյալ հինգ չափանիշներն են, որոնցից յուրաքանչյուրը գնահատվում է 1-10 միավորով՝ արվեստի հետաքրքիր գործեր, արվեստի հայտնի գործեր, արվեստի ցուցադրություն, շինություն, չափսեր:
 60 Best Museums in the World, <https://worldcitiesranking.com/best-museums-in-the-world/>,
 Methodology For Our List of the Best Museums, <https://worldcitiesranking.com/methodology-criteria-museums/>
⁴ Louvre Museum, <https://www.ticketlouvre.fr/louvre/b2c/index.cfm/calendar/eventCode/MusWeb>
⁵ Admission Tickets, <https://engage.metmuseum.org/admission/?promocode=48946>



պատկերասրահների թիվը՝ 350: Մեկ անձի մուտքի վճարը 500 ռուբլի է⁶: Արվեստի գլուխգործոցներից է Լեոնարդո դա Վինչիի «Մադոննա Լիտան» (Madonna Litta): Այստեղ ցուցադրվում են նաև Ռեմբրանդտի, Միքելանջելոյի գործերից:




4. **Վատիկանի թանգարանները** (Musei Vaticani), որտեղ 20000-ից ավելի արվեստի գործ է ցուցադրվում: Հիմնադրվել են 1506 թ., տարածքը 43000 քառակուսի մետր է, ունեն 54 պատկերասրահ: Մեկ անձի մուտքավճարը 17 եվրո է⁷: Արվեստի գլուխգործոցներից են Ռաֆայելի «Աթենքի դպրոցը» նկարը, Սիքստինյան կապելլան:
5. **Ուֆֆիցի պատկերասրահը Տյորենցիայում** (Galleria Degli Uffizi), որտեղ 38000-ից ավելի արվեստի գործ է ցուցադրվում: Հիմնադրվել է 1581 թ., տարածքը 8000 քառակուսի մետր է, ունի 45 պատկերասրահ: Մեկ անձի մուտքավճարը 12 և 25 եվրո է՝ կախված տար-



վա ժամանակահատվածից⁸: Արվեստի գլուխգործոցներից է Սանդրո Բոտիչելիի «Վեներայի ծնունդը» նկարը:



6. **Օրսեի թանգարանը Փարիզում** (Musée d'Orsay), որտեղ 4000-ից ավելի արվեստի գործ է ցուցադրվում: Հիմնադրվել է 1986 թ., տարածքը 16853 քառակուսի մետր է, ունի 72 պատկերասրահ: Մեկ անձի մուտքավճարը 16 եվրո է⁹: Արվեստի գլուխգործոցներից է Պիեռ Օգյուստ Ռենուարի «Պարահանդես Մուլեն դը լա Գալետ» նկարը: Այստեղ ցուցադրվում են նաև Վան Գոգի, Էդուարդ Մանեի գործերը:



7. **Լոնդոնի Բրիտանական թանգարանը** (British Museum), որտեղ 80000-ից ավել-

⁶ Purchase of Online Tickets, <https://www.hermitagemuseum.org/wps/portal/hermitage/tickets>

⁷ Biglietti di ingresso - Musei Vaticani e Cappella Sistina, <https://tickets.museivaticani.va/home/fromtag/1/167580000000/Biglietti-Musei>

⁸ Official tickets fares of the Uffizi Galleries, <https://www.uffizi.it/en/pages/tickets-fares>

⁹ Admission to the Musée d'Orsay, <https://billetterie.musee-orsay.fr/en-GB/products?famille=1933737738230400130>

լի արվեստի գործ է ցուցադրվում: Հիմնադրվել է 1753 թ., տարածքը 25000 քառակուսի մետր է, ունի 94 պատկերասրահ: Մուտքն անվճար է¹⁰: Արվեստի գլուխգործոցներից է «Պարթենոնի քանդակները կամ Էլզինի մարմարները»:



8. **Մադրիդի Պրադոյի թանգարանը** (Museo del Prado), որտեղ 1500-ից ավելի արվեստի գործ է ցուցադրվում: Հիմնադրվել է 1819 թ., տարածքը 15400 քառակուսի մետր է, ունի 105 պատկերասրահ: Մուտքավճարը 15 եվրո է¹¹: Արվեստի գլուխգործոցներից է Հիերոնիմոս Բոսխի «Երկրային վայելքների այգի» նկարը: Այստեղ ցուցադրվում են նաև Գոյայի, Էլ Գրեկոյի, Վելասկեսի, Ռաֆայելի, Ռուբենսի, Ռեմբրանդտի և այլոց գործերը:



9. **Լոնդոնի Ազգային պարկերասրահը** (National Gallery), որտեղ ցուցադրվում է 2300-ից ավելի արվեստի գործ: Հիմնադրվել է 1824 թ., տարածքը 13000 քառակուսի մետր է, պատկերասրահների թիվը՝ 72: Մուտքն անվճար է¹²:

Արվեստի գլուխգործոցներից է Յան Վան Էյկի «Առնոլֆինի ամուսինների դիմանկարը»: Այստեղ ցուցադրվում են նաև Վան Գոգի, Դա Վինչիի, Ռուբենսի, Վելասկեսի և այլոց կտավները:



10. **Կահիրեի Եգիպտական թանգարանը** (Egyptian Museum), որտեղ 150000-ից ավելի արվեստի գործ է ցուցադրվում: Հիմնադրվել է 1902 թ., տարածքը 15000 քառակուսի մետր է, ունի 89 պատկերասրահ: Մուտքի վճարը տեղաբնակների համար մոտ 1, իսկ օտարերկրացիների համար՝ 7 ԱՄՆ դոլար է¹³: Արվեստի գլուխգործոցներից է Թուրան-համոնի թաղման ոսկե դիմակը:

Հայտնի են նաև Վան Գոգի թանգարանն Ամստերդամում, Աթենքի Ազգային հնագիտական և Ակրոպոլիսի թանգարանները, Հռոմի Բորգեզե պատկերասրահը, Ֆլորենցիայի Պիտտի թանգարանը և Ակադեմիայի պատկերասրահը (Galleria dell'Accademia), որտեղ ցուցադրված է Միքելանջելոյի «Դավիթը», Մադրիդի Տիսեն-Բորնեմիսա (Thyssen-Bornemisza) և Ռեյնա Սոֆիա թանգարանները, Նյու Յորքի Գուգենհայմ (Guggenheim) թանգարանը, Ավստրիայի Բելվեդերի պատկերասրահը, որտեղ ցուցադրված է Գուստավ Կլիմտի «Համբույրը» կտավը, Լիսաբոնի «Գալուստ Գյուլբենկյան» թանգարանը, Պիկասոյի թանգարանը Բարսելոնում և այլն:

Չքոսաշրջիկների համար ոչ պակաս գրավիչ են նաև Մադամ Տյուսոյի մոմե

¹⁰ British Museum, <https://www.britishmuseum.org/>
¹¹ Welcome to the Museo del Prado, <https://www.museodelprado.es/en/visit-the-museum>
¹² National Gallery of Art, <https://www.nga.gov/visit.html>
¹³ The Egyptian Museum, <https://egyptmonuments.gov.eg/en/museums/egyptian-museum>

արձանների թանգարաններն աշխարհի տարբեր երկրներում: Ներկայում աշխարհի 25 քաղաքում կան Մադամ Տյուսոյի թանգարաններ¹⁴:


Զբոսաշրջիկների կողմից սիրված թանգարաններից են նաև Շոկոլադի թանգարանը Բարսելոնում, Դինոզավրերի թանգարանը Պորտուգալիայի Լուորինյա քաղաքում, Տարագների թանգարանը Պորտուգալիայի Վիանա դո Կաստելո քաղաքում, Վիմեյրոյի ճակատամարտի ցուցադրության սրահը Պորտուգալիայի Վիմեյրո համայնքում և այլն:

Զբոսաշրջիկներ շատ են այցելում նաև տարբեր երկրների թագավորական պալատներ, օրինակ՝ Լոնդոնի Բուքինգհեմյան պալատ, Մադրիդի թագավորական պալատ, Տոկիոյի կայսերական պալատ, Ֆրանսիայի Վերսալի պալատ, Վիեննայի Շյոնբրուննի ու Հոֆբուրգի պալատներ և այլն:

Շատ զբոսաշրջիկներ սիրում են շրջայց կատարել այն թանգարաններում, որոնք եզակի են, չկրկնվող¹⁵: Դրանցից են.




1. **Կանկունի սպորջոյա թանգարանը Մեքսիկայում**¹⁶, որտեղ պահվում է 500-ից ավելի քանդակ: Այցելուների թիվը տարեկան 750 000-ից ավելի է:
2. **Micropia կամ Ամսպերդամի մանրէների թանգարանը**, որտեղ ցուցանմուշները բաժանված են հիմնականում խմորման, վիրուսների և պատվաստանյութերի ենթախմբերի: Նշանավոր ցուցանմուշներից մեկը կոչվում է «Բերանից բերան»¹⁷ և պատմում է, թե



որքան մանրէներ են փոխանցվում, երբ մարդիկ համբուրվում են:

3. **Վաշինգտոնի Լրդեսների միջազգային թանգարանը** (International Spy Museum)¹⁸, որը ներկայացնում է լրտեսության և հետախուզության աշխարհը: Ունենալով լրտեսական արտեֆակտների (արվեստի կամ արհեստի փաստերի) ամենամեծ հավաքածուն՝ ցուցանմուշները բաժանված են տարբեր կատեգորիաների, ներառյալ հնտերակտիվ ցուցահանդեսը, որը կոչվում է Operation Spy, որտեղ մարդիկ կարող են ստանձնել գաղտնի գործակալների դերեր և մասնակցել մեկ ժամ տևող լրտեսական միջոցառման: Ցուցադրված ուշագրավ արտեֆակտներից են շրթներկ ատրճանակը, որը նաև հայտնի է որպես «մահվան համբույր», որն օգտագործել են «ԿԳԲ»-ում աշխատող կանայք՝ սառը պատերազմի ժամանակ, Minox լրտեսական տեսախցիկը և Aston Martin DB5-ը, որը հայտնվել է 1964 թվականին Ջեյմս Բոնդի թրիլերում՝ Goldfinger-ում:



¹⁴ Madame Tussauds, <https://www.madametussauds.com/>

¹⁵ 10 of the Most Unique Museums Around the World, <https://www.tatlerasia.com/lifestyle/travel/hk-unique-museums-around-the-world>

¹⁶ Museo Subacuatico de Arte, <https://musamexico.org/>

¹⁷ Mouth to mouth, <https://www.micropia.nl/en/discover/stories/mouth-mouth/>

¹⁸ Spy Museum, https://www.spymuseum.org/?_ga=2.159543096.486771450.1675072882-830071564.1675072882



4. **Մումիայի թանգարանը Մեքսիկայում** (Museo de las Momias de Guanajuato)¹⁹, որը մումիաների տունն է: Քանի որ ցուցանմուշները բնական կերպով են մումիա դարձել, նրանք մի փոքր ավելի մոայլ տեսք ունեն, քան եգիպտոսում պեղվածները: Մումիաների ստեղծման գործընթացը, հավանաբար, տարածքի բարձրության և չոր կլիմայի համակցության արդյունք է, երբ փայտե դագաղները հագեցվել են խոնավությամբ: Կրիպտները նաև կնքված են եղել ցեմենտով, որը մարմինները պաշտպանել է քայքայումից: Քանի որ այդ վայրում հայտնաբերված մեծ թվով մումիաները սկսեցին ժողովրդականություն վայելել, ստեղծվեց թանգարան՝ դրանք լայն հանրությանը ցուցադրելու համար: Թանգարանում տեղ են գտել ավելի քան հարյուր մումիաներ, որոնց մեծ մասը Գուանախուատոյի բնակիչ է եղել 1850-1950 թվականներին: Այստեղ է պահվում նաև աշխարհի ամենափոքր մումիան:



5. **Միացյալ Թագավորությունում գտնվող Շան վզկապների** (Dog Collar)²⁰ թանգարանը պարտադիր այցելության

վայր է շների սիրահարների համար: Լիդսի ամրոցի ակոռում տեղակայված հավաքածուն իր տեսակի մեջ միակն է աշխարհում և ցուցադրվում է 1976 թվականից: Հավաքածուում տեղ են գտել 130 հազվագյուտ և արժեքավոր վզկապներ, որոնցից ամենահինը թվագրվում է 15-րդ դարի վերջ ժամանակաշրջանով:



6. **Գերմանիայում Հացի մշակույթի թանգարանը** (The Museum of Bread Culture)²¹ հիմնադրվել է 1955 թվականին և նպատակ ունի ցուցադրելու հացի 6000-ամյա պատմությունը՝ որպես մարդկային մշակույթի և քաղաքակրթության անփոխարինելի մաս: Թանգարանի առաջին մշտական ցուցադրությունը թվագրվում է 1960 թվական ժամանակաշրջանով և իր տեսակի մեջ առաջին է աշխարհում: Այստեղ են պահվում ավելի քան 18000 առարկաներ, որոնցից 700-ը՝ մշտական ցուցադրության: Ցուցանմուշները հնարավորություն են տալիս ընդգծելու հացի կարևորությունը հասարակության կյանքում: Դրանք նաև ցույց են տալիս հացի պատրաստման տարբեր մեթոդներ, և թե ինչպես են դրանք զարգացել դարերի ընթացքում: Չնայած դրան՝ իրական հացը ցուցահանդեսի մաս չէ, քանի որ հիմնադիրները կարծում են, որ հացն արվեստի կամ արհեստի փաստ (արտեֆակտ) չէ, այլ ուտելիք, որը պետք է ամեն օր թարմ թխել:

¹⁹ Museo de las Momias de Guanajuato, <http://www.momiasdeguanajuato.gob.mx/index.html>
²⁰ The Dog Collar museum, <https://leeds-castle.com/attraction/dog-collar-museum/>
²¹ The Museum of Bread Culture, <https://museumbrotundkunst.de/en>



7. **Ոսկու թանգարանը Կոլումբիայում**²² տեղի ամենահայտնի զբոսաշրջային վայրն է, որը տարեկան գրավում է կես միլիոն այցելու: Թանգարանն ունի ավելի քան 55,000 կտոր ոսկի և այլ իրեր Կոլումբիայի նախախսպանական մշակույթից:

Ոսկին, իհարկե, ցուցանմուշների մեծ մասն է, սակայն հավաքածուում առկա են նաև խեցեղեն, քարե, փայտե և տեքստիլ առարկաներ: Թանգարանի ամենահայտնի ցուցանմուշը Musica Raft-ն է՝ կապված էլ Դորադոյի լեգենդի հետ, որը, մարդկանց կարծիքով, վերաբերում էր առասպելական ոսկի քաղաքին, բայց իրականում նվիրված էր մուսիկա ժողովրդի ցեղապետին, որը ոչ պաշտոնապես կոչվում է Ոսկե մարդ:



8. **Շվեյցարիայի Լինդտ շոկոլադի տուն** (Lindt Home of Chocolate)²³ թանգարանում է գտնվում Լինդտ շոկոլադի ամենամեծ խանութը: Թանգարանն ունի տպավորիչ՝ ինը մետր բարձրությամբ Լինդտ շոկոլադե հիմք, որի միջով հոսում է 1500 կիլոգրամ շոկոլադ:

Գործում են նաև ինտերակտիվ շոկոլադե տուրեր, որոնք ներկայացնում են շվեյցարական շոկոլադը՝ որպես մշակութային ժառանգություն: Այստեղ այցելուները կարող են փորձել և ստեղծել իրենց սեփական շոկոլադը՝ Լինդտի վարպետ շոկոլադագործների հետ միասին:



9. **Ճապոնիայի Լապշաների բաժակների թանգարանն Օսակայում** (Cup Noodles Museum)²⁴: Մի ամբողջ տարի ուսումնասիրելուց հետո Օսակայի իր տան բակում Մոմոֆուկու Անդոն 1958 թվականին հորինեց առաջին ակնթարթային լապշան (հավի ռամեն): Այդ ժամանակից ի վեր գավաթային լապշան հայտնի դարձավ ամբողջ աշխարհում: Թանգարանի այցելուները կարող են ստեղծել իրենց սեփական գավաթային լապշան: Ակնթարթային լապշաների գունեղ ցուցահանդեսը ցույց է տալիս, թե արտադրանքը որքան տարածված է աշխարհում:



10. **Խզված հարաբերությունների թանգարանը** (The Museum of Broken Relationships)²⁵ Խորվաթիայում: Այս

²² El Museo del Oro, <https://www.banrepcultural.org/bogota/museo-del-oro>

²³ Lindt Home of Chocolate, <https://www.lindt-home-of-chocolate.com/en/>

²⁴ Cup Noodles Museum, https://www.cupnoodles-museum.jp/en/osaka_ikeda/

²⁵ The Museum of Broken Relationships, <https://brokenships.com/explore>

թանգարանը նվիրված է անհաջող սիրային հարաբերություններին: Ցուցանմուշները հիմնականում նախկին սիրահարների անձնական իրերն են՝ կարճ նկարագրությամբ, երբեմն ներկայացված է նաև իրի պատմությունը: Թանգարանի գաղափարի հեղինակը Ջագրեբում բնակվող մի զույգ է՝ Օլինկա Վիշտիցան և Դրաժեն Գրուբիշիչը, որոնք սկզբում կատակել են, որ կստեղծեն թանգարան՝ բաժանումից հետո իրենց անձնական իրերը պահելու համար՝ որպես համատեղ կյանքը հիշելու և հարգելու միջոց, և կատակը, ի վերջո, իրականություն է դարձել:

Ամբողջ աշխարհում վերջին տարիներին թանգարաններ այցելությունների թիվը կրճատվել է COVID-19 համավարակի պատճառով: 2021 թ. ամենաշատ այցելու ունեցել է Լուվրը՝ 2.83 մլն մարդ (աղյուսակ 1):

2021 թվականին աշխարհի լավագույն 100 թանգարաններն ընդհանուր առմամբ ունեցել են 71 միլիոն այցելու՝ 2020 թվականի 54 միլիոնի դիմաց: 2021 թ. գրանցվել է այցելուների 31 տոկոս աճ, թեև ընդհանուր թիվը դեռևս 69 տոկոսով ցածր էր, քան 2019 թ.-ին, երբ 100 լավագույն

թանգարաններն ընդունել էին 230 միլիոն այցելու²⁶:

ՅՈՒՆԵՍԿՕ-ի տվյալներով ներկայում աշխարհում թանգարանների ընդհանուր գնահատված թիվը շուրջ 104 հազար է: Միացյալ Նահանգներն աշխարհում գերակայում է թանգարանների թվով. 33082 թանգարան՝ 2021 թվականի մարտի դրությամբ: Ցուցակում հաջորդում են Գերմանիան և Ճապոնիան, համապատասխանաբար՝ 6741 և 5738 թանգարան, այնուհետև Չինաստանը՝ 5535, ՌԴ-ն՝ 5415, Ֆրանսիան՝ 4811, Բրազիլիան՝ 3906, Իտալիան՝ 3906, ՄԹ-ն և Հյուսիսային Իռլանդիան՝ 3183, Կանադան՝ 2245 և Իսպանիան՝ 1732 թանգարաններով²⁷:

2022 թ. Լուվրն ընդունել է 7.8 մլն այցելու՝ 170 տոկոսով ավելի, քան 2021 թ.: Այցելուների 30 տոկոսը ֆրանսիացի է, 70 տոկոսը՝ օտարերկրացի: Այցելուների 45 տոկոսը եղել է մինչև 25 տարեկան: Այցելուների 60 տոկոսը Լուվր է այցելել առաջին անգամ²⁸:

Օրվա կտրվածքով Լուվրն ունենում է շուրջ 30000 այցելու, Բրիտանական թանգարանը՝ 6000, Մետրոպոլիտեն արվեստի թանգարանը՝ 5000²⁹:

Ջոն Ֆոլքն իր «Identity and the Muse-

ԱՂՅՈՒՍԱԿ 1

Աշխարհի ամենաշատ այցելվող թանգարանները, 2019-2021 թթ.³⁰ (միլիոն մարդ)

| Թանգարաններ | 2019 | 2020 | 2021 |
|--|------|------|------|
| Լուվր, Փարիզ | 9.6 | 2.7 | 2.83 |
| Չինաստանի ազգային թանգարան, Պեկին | 7.39 | 1.6 | 2.38 |
| Շանհայի գիտության և տեխնիկայի թանգարան, Շանհայ | 4.82 | 1.35 | 2.37 |
| Չինաստանի գիտական տեխնոլոգիաների թանգարան, Պեկին | 3.89 | 0.69 | 2.36 |
| Նանցինգի թանգարան, Նանցինգ | 4.17 | 1.52 | 2.03 |
| Մետրոպոլիտեն արվեստի թանգարան, Նյու Յորք | 6.77 | 1.13 | 1.96 |
| Արվեստի ազգային պատկերասրահ, Վաշինգտոն | 4.07 | 0.73 | 1.71 |
| Էրմիտաժ թանգարան, Սանկտ Պետերբուրգ | 4.96 | 0.97 | 1.65 |
| Ռեյնա Սոֆիա, Մադրիդ | 4.43 | 1.25 | 1.64 |
| Վատիկանի թանգարաններ, Վատիկան | 6.88 | 1.3 | 1.61 |
| Ազգային պատմության թանգարան, Լոնդոն | 5.42 | 1.2 | 1.56 |
| Բրիտանական թանգարան, Լոնդոն | 6.21 | 1.28 | 1.33 |

²⁶ Museum sector enjoyed growing numbers of visitors in 2021, <https://blooloop.com/museum/news/museum-sector-covid-attendance-recovery-2021/>

²⁷ Leading countries worldwide with the highest number of museums 2021, <https://www.statista.com/statistics/1201825/top-countries-by-number-of-museums-worldwide/>

²⁸ 7.8 million visitors to the Musée du Louvre in 2022, <https://presse.louvre.fr/7-8-million-visitors-to-the-musee-du-louvre-in-2022/>

²⁹ How many visitors do museums get daily?, <https://www.arnabontempsmuseum.com/how-many-visitors-do-museums-get-daily-2/>

³⁰ Leading museums by highest attendance worldwide 2019-2021, <https://www.statista.com/statistics/901072/museums-by-total-attendance-worldwide/>

um Visitor Experience» աշխատության մեջ թանգարանների այցելուներին բաժանել է հետևյալ խմբերի.

1. *Հետազոտողներ (Explorers)*, որոնք անչափ հետաքրքրված են թանգարանով: Նրանք ակնկալում են գտնել մի բան, որը կգրավի իրենց ուշադրությունը, և որի արդյունքում իրենք նոր բան կսովորեն:

2. *Օժանդակողներ (Facilitators)*, որոնք ունեն սոցիալական շահամիտվածություն: Նրանց այցի հիմնական նպատակն իրենց ուղեկցող սոցիալական խմբին նոր բան սովորելու հնարավորություն ընձեռելն է:

3. *Պրոֆեսիոնալներ/հոբբիստներ (Professional/Hobbyists)*, որոնք սերտ կապ են զգում թանգարանի բովանդակության և իրենց մասնագիտության կամ հոբբիի միջև: Նրանց այցելության հիմքում որևէ որոշակի նպատակի իրագործումն է:

4. *Փորձառություն փնտրողներ (Experience Seekers)*, որոնք թանգարանն ընկալում են որպես կարևոր նպատակակետ: Նրանց բավարարվածությունը, առաջին հերթին, բխում է զուտ այն փաստից, որ իրենք «եղել են այդտեղ և արել դա»:

5. *Վերալիցքավորողներ (Rechargers)*, որոնք հիմնականում ձգտում են ունենալ հոգևոր և/կամ վերականգնողական փորձառություն: Նրանք թանգարանը տեսնում են որպես ապաստան՝ աշխատանքային աշխարհից կտրվելու համար, որպես մի վայր, որտեղ կարող են լիցքաթափվել՝ շրջապատված լինելով ոգեշնչող և գեղեցիկ իրերով³¹:

Ջոն Ֆոլքը մշակել է նաև հարցաթերթ, որը լրացնելով՝ կարող եք պարզել, թե վերոնշյալ խմբերից որին եք պատկանում Դուք³²:

Այցելուների ժողովրդագրական պատկերը տարբերվում է ըստ թանգարանների: Օրինակ, համաձայն որոշ հետազոտու-

թյունների, ԱՄՆ-ում վերջիններիս միջին տարիքը 47 է, և մեծամասնությունը կանայք են³³: Մեծ Բրիտանիայում 105 տարբեր թանգարանների 39318 այցելուների շրջանում կատարված հարցումները վկայում են, որ նրանց 10 տոկոսը 16-24 տարիքային խմբում են, 16 տոկոսը՝ 25-34, 18 տոկոսը՝ 35-44, 15 տոկոսը՝ 45-54, 18 տոկոսը՝ 55-64 և 23 տոկոսը՝ 65-ից բարձր³⁴:

Շատ թանգարաններ, օրինակ՝ Լուվրը³⁵, Լոնդոնի Բրիտանական թանգարանը, Նյու Յորքի Գուգգենհեյմը, Վաշինգտոնի Արվեստի ազգային պատկերասրահը, Փարիզի Օրսեի թանգարանը, Ամստերդամի Վան Գոգի թանգարանը և այլն³⁶, ունեն նաև վիրտուալ տուրեր, որոնց պահանջարկն աճեց COVID-19 համավարակի ժամանակ³⁷:

Թանգարաններն այցելու գրավելու համար կատարում են տարբեր մարքեթինգային քայլեր.

- Սոցիալական մեդիայի օգտագործում, երբ թանգարանը տեղադրում է նյութեր, նկարներ, ինչպես նաև այցելուներին խրախուսում ներբեռնել նկարներ, ինչը խթանում է «բերանացի» մարքեթինգը և օգնում նոր լսարաններ գրավել:
- Թվային մարքեթինգի կիրառում, որի հիմնական քայլերից են email մարքեթինգը, content մարքեթինգը, որոնման համակարգի օպտիմալացումը:
- Կայքէջի բարելավում: Կայքէջը պետք է կցված լինի թանգարանի սոցիալական մեդիայի էջին և պարունակի տեղեկություններ մուտքավճարի, աշխատանքային ժամերի, առկա միջոցառումների, ցուցահանդեսների, գտնվելու վայրի և տվյալ վայր հասնելու ուղիների և այլնի վերաբերյալ: Կայքը պետք է լինի գրավիչ՝ արտացոլելով թանգարանի հիմնական ռեսուրսները:

³¹ Falk, J.H. (2016). Museum Audiences: A Visitor-Centered Perspective, *Loisir et Société/Leisure and Society*, 39(3), 357-370, <https://www.instituteforlearninginnovation.org/wp-content/uploads/2019/10/Falk-Museum-Audiences.pdf>

³² Identity and the Museum Visitor Experience, <https://jewishmuseummd.org/intern-weekly-response-identity-and-the-museum-visitor-experience/>

³³ How many visitors do museums get daily?, <https://www.arnabontempsmuseum.com/how-many-visitors-do-museums-get-daily-2/>

³⁴ Museums Audience Report, 2018, pp. 1-16, <https://www.theaudienceagency.org/asset/1995>

³⁵ Virtual tours, Enjoy the Louvre at home!, <https://www.louvre.fr/en/online-tours#virtual-tours>

³⁶ Romano A., These 12 Famous Museums Offer Virtual Tours You Can Take on Your Couch, <https://www.travelandleisure.com/attractions/museums-galleries/museums-with-virtual-tours>

³⁷ Թովմասյան Գ., Վիրտուալ զբոսաշրջություն. ճանապարհորդի՝ տանը նստած, «Ամբերդ» տեղեկագիր, 2022/3, էջ 136-143, DOI: 10.52174/2579-2989_2022.3-136:

- Ինչ-որ նոր բան անել, և դա տարածել email մարքեթինգի ու սոցիալական մեդիայի միջոցով: Կարելի է ցուցադրել վիրտուալ տուրեր կամ ինտերակտիվ խաղեր՝ այցելուներ գրավելու համար:
- Անդամակցության ծրագիր ունենալ: Այսպիսի ծրագրերը կիրառվում են՝ մշտական այցելուներին խրախուսելու և օգուտներ տրամադրելու համար: Անդամակցության ծրագրերը, սովորաբար, ներառում են անվճար կամ զեղչված մուտք, ցուցահանդեսների վաղաժամ մուտք և այլ արտոնություններ: Որոշ թանգարաններ ունեն անդամակցության ծրագրեր, որոնք առաջարկում են զեղչեր և արտոնություններ ոչ միայն իրենց թանգարանում, այլև գործընկեր այլ հաստատություններում, ինչպիսիք են տեղական թատրոնները կամ այլ թանգարաններ:
- Ձեռչեր առաջարկել: Ձեռչերը կարող են առաջարկվել գործող և հնարավոր հաճախորդներին, ինչպես նաև անդամակցության ծրագրերը խթանելու համար: Մշտական գործող զեղչերը վերաբերում են ուսանողներին, երեխաներին, խմբային այցելություններին, թոշակառուներին և այլն: Կիրառվում է նաև գնային տարբերակման քաղաքականություն՝ ըստ սեզոնի, շաբաթվա օրերի և ժամերի:
- Եզակի միջոցառումների անցկացում: Միջոցառումները նոր մարդկանց գրավելու հիանալի միջոց են: Թանգարանը կարող է կազմակերպել տարբեր տեսակի միջոցառումներ՝ սկսած կոկտեյլային երեկոներից և փառատոներից մինչև գիտական դասախոսություններ և գրքերի մասին զրույցներ: Միջոցառումներն օգնում են կապ հաստատել ողջ հասարակության հետ: Յուրաքանչյուր միջոցառում կարող է գրավել հասարակության տարբեր հատվածներին՝ ընդլայնելով թանգարանի հասանելիությունը: Թանգարանը կարող է ինքնուրույն կամ այլ հաստատությունների հետ համագործակցությամբ կազմակերպել հետևյալ միջոցառումները՝

- կոկտեյլային երեկո, որը ներառում է պատմություն խմիչքների մասին, ուսուցողական պատմություններ երեխաների համար, արվեստի պատմության դասախոսություն, պարզապես խնջույք՝ հասարակությանը համախմբելու համար, նկարչության դաս դեռահասների համար, հանդիպում հայտնի հեղինակի հետ և այլն:
- Ինֆյունեսերների ներգրավում: Վերջիններս կարող են օգնել ավելացնել թանգարանի այցելուների թիվը: Ինֆյունեսերների ընտրությունը կախված է այն հանգամանքից, թե այցելուների ինչ խումբ է ուզում գրավել թանգարանը: Օրինակ՝ եթե ցանկանում է գրավել զբոսաշրջիկների, ուրեմն, որպես ինֆյունեսեր, կարող է դիմել ճամփորդական բլոգերի օգնությանը:
- Գրավել բազմաթիվ ակնդիրների: Սոցիալական մեդիայի օգտագործումն օգնում է գրավել երիտասարդներին և դեռահասներին: Թվային գովազդը և լավ մշակված կայքը «հասնում» են ավելի լայն լսարանի: Անդամակցության ծրագրերն ու զեղչերը գրավում են մեծահասակներին և ընտանիքներին: Միջոցառումները կարող են նախատեսված լինել յուրաքանչյուր լսարանի, նույնիսկ երեխաներին գրավելու համար, և ինֆյունեսերները կարող են օգնել լրիվ նոր այցելուների ներգրավմանը:
- Ավելացնել խաղահրապարակներ: Սա շատ օգտակար է այն ընտանիքների համար, որոնք փոքր երեխաներ ունեն: Երեխաները կարող են մասնակցել տարբեր միջոցառումների, խաղերի և ինչ-որ նոր բան սովորել խաղի միջոցով: Խաղահրապարակները նպաստում են, որ մարդիկ, այս դեպքում՝ ծնողները, ավելի երկար ժամանակ մնան թանգարանում և հանգստանան: Խաղահրապարակները նպաստում են նաև «բերանացի» մարքեթինգի խթանմանը և կրկնական այցերի ավելացմանը³⁸:

³⁸ 10 tips to increase visitors to your museum, <https://www.softplay.com/blog/10-tips-to-increase-visitors-to-your-museum/>

«Թանգարանները:

2021 թ. դրությամբ «Ը-ում եղել է 100 թանգարան, որից 63-ը՝ Երևանում³⁹:

Թանգարանների ֆոնդերում հաշվառվել է 3157.5 հազ. ցուցանմուշ, որի 92.4%-ը՝ Երևանում (աղյուսակ 3):

Թանգարանների հիմնական ֆոնդե-

րում գերակշռում են փաստաթղթերը, լուսանկարները, հնագիտական առարկաները (աղյուսակ 4):

Թանգարանների այցելուների թվաքանակը 2021 թ. կազմել է 2402317 մարդ, որից շուրջ 88%-ը՝ Երևանում (աղյուսակ 5):

ԱՂՅՈՒՍԱԿ 2

Թանգարանների քանակն ըստ «Ը մարզերի, Երևան քաղաքի և ըստ բնույթի, 2021 թ., միավոր⁴⁰

| Վայրը | Ընդամենը | Այդ թվում՝ ըստ բնույթի | | | | Այլ |
|---------------------|------------|------------------------|--------------|-----------|------------------------|----------|
| | | Պատմական | Երկրագիտական | Հուշային | Գրականության և արվեստի | |
| ք. Երևան | 63 | 21 | 1 | 9 | 31 | 1 |
| Արագածոտն | 1 | - | - | 1 | - | - |
| Արարատ | 2 | - | - | 1 | 1 | - |
| Արմավիր | 3 | 2 | - | 1 | - | - |
| Գեղարքունիք | 2 | - | 2 | - | - | - |
| Լոռի | 8 | 4 | 1 | 2 | 1 | - |
| Կոտայք | 5 | 2 | 1 | 1 | 1 | - |
| Շիրակ | 8 | 1 | 1 | 6 | - | - |
| Սյունիք | 4 | 2 | 2 | - | - | - |
| Վայոց ձոր | 1 | - | 1 | - | - | - |
| Տավուշ | 3 | 2 | 1 | - | - | - |
| Ընդամենը՝ «Ը | 100 | 34 | 10 | 21 | 34 | 1 |

ԱՂՅՈՒՍԱԿ 3

Թանգարանների ֆոնդերի քանակն ըստ «Ը մարզերի և Երևան քաղաքի, 2021 թ., միավոր⁴¹

| Վայրը | Հիմնական ֆոնդերի քանակը | ընդամենը | Դրանցից ցուցադրվել են հաշվետրու տարում այդ թվում՝ | | | | Գիտական մշակում անցած նմուշների քանակը | Վերականգնման ենթակա նմուշների քանակը | Վերականգնված նմուշների քանակը |
|---------------------|-------------------------|---------------|---|--------------|-----------------|------------------|--|--------------------------------------|-------------------------------|
| | | | մշտական | ժամանակավոր | այլ նպատակներով | թանգարանից դուրս | | | |
| ք. Երևան | 2917405 | 83994 | 49603 | 15452 | 17216 | 1723 | 534740 | 53288 | 6665 |
| Արագածոտն | 3022 | 674 | 674 | - | - | - | - | 5 | - |
| Արարատ | 1374 | 1099 | 1081 | 18 | - | - | 453 | 32 | - |
| Արմավիր | 101023 | 17317 | 8443 | 8845 | - | 29 | 225 | 3795 | 57 |
| Գեղարքունիք | 10009 | 2674 | 2396 | 206 | - | 72 | 618 | 21 | - |
| Լոռի | 44770 | 4267 | 3340 | 776 | 2 | 149 | 3276 | 2726 | 50 |
| Կոտայք | 7908 | 2049 | 1869 | 180 | - | - | 7056 | 193 | 47 |
| Շիրակ | 35032 | 7191 | 6652 | 399 | 140 | - | 20168 | 5509 | 174 |
| Սյունիք | 20236 | 4343 | 3928 | 355 | - | 60 | 6359 | 1851 | 183 |
| Վայոց ձոր | 9592 | 508 | 448 | 60 | - | - | 152 | 139 | 16 |
| Տավուշ | 7175 | 2780 | 2010 | 765 | - | 5 | 726 | 146 | 10 |
| Ընդամենը՝ «Ը | 3157546 | 126896 | 80444 | 27056 | 17358 | 2038 | 573773 | 67705 | 7202 |

³⁹ «Ը unghական վիճակը 2021 թ., էջ 288, https://armstat.am/file/article/soc_sit_2021_24.pdf

⁴⁰ Նույն տեղում:

⁴¹ Նույն տեղում, էջ 289, https://armstat.am/file/article/soc_sit_2021_24.pdf

ԱՂՅՈՒՍԱԿ 4

Թանգարանների ֆոնդերի քանակն ըստ ցուցանուշների և ըստ տարիների, 2017-2021 թթ., միավոր⁴²

| Ցուցանուշներ | 2017 | 2018 | 2019 | 2020 | 2021 |
|--------------------------------|----------------|----------------|----------------|----------------|----------------|
| Գեղանկարչության առարկաներ | 42391 | 42783 | 43461 | 44553 | 42991 |
| Գծանկարներ | 34005 | 33988 | 34177 | 34934 | 35227 |
| Քանդակներ | 3031 | 3116 | 3100 | 3052 | 3131 |
| Կիրառական արվեստի առարկաներ | 44256 | 44622 | 44509 | 45462 | 51587 |
| Դրամագիտական առարկաներ | 192211 | 191697 | 192558 | 192856 | 196100 |
| Հնագիտական առարկաներ | 296436 | 300554 | 247826 | 305318 | 306466 |
| Կենցաղի և ազգագրական առարկաներ | 53949 | 54997 | 53084 | 56210 | 52551 |
| Լուսանկարներ | 493346 | 501229 | 358560 | 511843 | 517818 |
| Փաստաթղթեր | 1581699 | 1588503 | 1485205 | 1602907 | 1614134 |
| Այլ առարկաներ | 195579 | 327820 | 339820 | 343851 | 337541 |
| Ընդամենը | 2936903 | 3089309 | 2802300 | 3140986 | 3157546 |

Թանգարանների այցելուների թվաքանակի նվազում արձանագրվել է 2020 թ.՝ պայմանավորված համավարակով: Ցավոք, առանձին չի հաշվառվում, թե թանգարանների այցելուների քանի տոկոսն են ներգնա զբոսաշրջիկները⁴³:

Թանգարանների աշխատողների թվաքանակը 2021 թ. կազմել է 2072 մարդ,

որից 1664-ը՝ Երևանում⁴⁴:

2021 թ. թանգարանների ֆինանսական մուտքերը կազմել են 5496696.8 հազար դրամ, որից 3458676.2 հազարը՝ ՀՀ պետական և համայնքային բյուջեներից, իսկ ֆինանսական ծախսերը կազմել են 5014810.4 հազար դրամ, որից 3030534.2 հազարը եղել են աշխատավարձի և դրան

ԱՂՅՈՒՍԱԿ 5

Թանգարանների այցելուների թվաքանակն ըստ ՀՀ մարզերի և Երևան քաղաքի, 2019-2021 թթ., մարդ⁴⁵

| Վայրը | 2019 թ. | | | 2020 թ. | | | 2021 թ. | | |
|---------------------|-----------------------|---------------|----------------|-----------------------|---------------|---------------|-----------------------|---------------|----------------|
| | Այցելուների թվաքանակը | Այդ թվում՝ | | Այցելուների թվաքանակը | Այդ թվում՝ | | Այցելուների թվաքանակը | Այդ թվում՝ | |
| | | ընդամենը | վճարովի | | անվճար | ընդամենը | | վճարովի | անվճար |
| ք. Երևան | 2093821 | 509897 | 1583924 | 657615 | 196815 | 460800 | 2111305 | 648367 | 1462938 |
| Արագածոտն | 11000 | - | 11000 | 1287 | 1287 | - | 13049 | 4590 | 8459 |
| Արարատ | 25870 | 10939 | 14931 | 2779 | 866 | 1913 | 9050 | 866 | 8184 |
| Արմավիր | 38569 | 26946 | 11623 | 3377 | 2756 | 621 | 29902 | 21643 | 8259 |
| Գեղարքունիք | 5116 | 2283 | 2833 | 2444 | 48 | 2396 | 2903 | 360 | 2543 |
| Լոռի | 54035 | 25196 | 28839 | 6610 | 4125 | 2485 | 78255 | 37539 | 40716 |
| Կոտայք | 17170 | 9458 | 7712 | 7897 | 3697 | 4200 | 15425 | 7560 | 7865 |
| Շիրակ | 85110 | 34828 | 50282 | 15618 | 10717 | 4901 | 115738 | 104156 | 11582 |
| Սյունիք | 18488 | 5802 | 12686 | 1973 | 586 | 1387 | 11647 | 778 | 10869 |
| Վայոց ձոր | 3159 | 280 | 2879 | 175 | 81 | 94 | 2701 | 312 | 2389 |
| Տավուշ | 13777 | 5002 | 8775 | 4400 | 1813 | 2587 | 12342 | 5498 | 6844 |
| Ընդամենը՝ ՀՀ | 2366115 | 630631 | 1735484 | 704175 | 222791 | 481384 | 2402317 | 831669 | 1570648 |

⁴² Թանգարանների ֆոնդերի քանակն ըստ ցուցանուշների և ըստ տարիների, https://statbank.armstat.am/pxweb/hy/Arm-StatBank/ArmStatBank__2%20Population%20and%20social%20processes__21%20Culture__212%20Museum%20activities/ps-cl-nm03.px/table/tableViewLayout2/?rxid=29c8fec1-5a8c-4601-91b6-31b1b853abe8

⁴³ Թովմասյան Գ., ՀՀ մշակութային ժառանգությունը՝ որպես զբոսաշրջության զարգացման կարևոր գործոն, «Ամբերդ» տեղեկագիր, 2021/2, էջ 34-41, DOI: 10.52174/2579-2989_2021_2_34, Թովմասյան Գ., Ջրուսաշրջության զարգացման հիմնախնդիրները Հայաստանի Հանրապետությունում (մենագրություն). - Երևան: Մեկնարկ ՍՊԸ, 2020, էջ 156-167:

⁴⁴ Թանգարաններ, <https://www.yerevan.am/hy/allmuseums/museums-of-yerevan/>

⁴⁵ ՀՀ սոցիալական վիճակը 2019 թ., էջ 587-588, https://www.armstat.am/file/article/soc_vich_2019_25.pdf, ՀՀ սոցիալական վիճակը 2020 թ., էջ 577-578, https://www.armstat.am/file/article/soc_vich_2020_24.pdf, ՀՀ սոցիալական վիճակը 2021 թ., էջ 289, https://armstat.am/file/article/soc_sit_2021_24.pdf

հավասարեցված վճարումների գծով ծախսերը⁴⁶:

Երևանի թանգարանների վերաբերյալ ամփոփ տեղեկություններ առկա են Երևանի քաղաքապետարանի կայքէջում⁴⁷:

1977 թ.-ից սկսած՝ Թանգարանների միջազգային խորհրդի որոշմամբ մայիսի 18-ն ամբողջ աշխարհում նշվում է որպես Թանգարանների միջազգային օր⁴⁸: Թանգարանային գիշեր միջոցառումն առաջին անգամ անցկացվել է Բեռլինում՝ 1997 թ.: Այն նշվում է մայիսի երրորդ շաբաթ օրը: Հայաստանի թանգարաններում ևս այդ օրերին կազմակերպվում են միջազգային ներ:

ՀՀ-ում թանգարանային զբոսաշրջության զարգացման համար կարևորվում է հետևյալ քայլերի իրագործումը.

- թանգարաններում վիճակագրության վարում, որը թույլ կտա դասակարգել այցելուներին՝ ըստ ծագման երկրի, սեռի, տարիքի, և որի արդյունքում թանգարանները կարող են իրականացնել թիրախավորված մարքեթինգ,
- թվային, սոցիալական մեդիա, բերանացի և ինֆլուենսեր մարքեթինգի գործիքակազմի կիրառում թանգարանների կողմից, որի մասին խոսվել է վերևում,
- անդամակցության ծրագրերի և զեղչային քաղաքականության կիրառում,
- տարբեր միջոցառումների կազմակերպում,
- թանգարանների ներառում զբոսաշրջային տուրերում,
- առցանց (վիրտուալ) տուրերի կազմակերպում և այլն:

⁴⁶ ՀՀ սոցիալական վիճակը 2021 թ., էջ 290-291, https://armstat.am/file/article/soc_sit_2021_24.pdf

⁴⁷ Մշակույթ, <https://www.yerevan.am/hy/allmuseums/museums-of-yerevan/>

⁴⁸ International museum day, <https://imd.icom.museum/what-is-imd/imd-in-short/#>

ՕԳՏԱԳՈՐԾՎԱԾ ԳՐԱԿԱՆՈՒԹՅՈՒՆ

1. Թանգարաններ, <https://www.yerevan.am/hy/allmuseums/museums-of-yerevan/>
2. Թանգարանների ֆոնդերի քանակն ըստ ցուցանիշների և ըստ տարիների, https://statbank.armstat.am/pxweb/hy/ArmStat-Bank/ArmStatBank_2%20Population%20and%20social%20processes_21%20Culture_212%20Museum%20activities/ps-cl-nm03.px/table/tableViewLayout2/?rxid=29c8fec1-5a8c-4601-91b6-31b1b853a-be8
3. Թովմասյան Գ., ՀՀ մշակութային ժառանգությունը՝ որպես զբոսաշրջության զարգացման կարևոր գործոն, «Ամբերդ» տեղեկագիր, 2021/2, էջ 34-41, DOI: 10.52174/2579-2989_2021_2_34:
4. Թովմասյան Գ., Զբոսաշրջության զարգացման հիմնախնդիրները Հայաստանի Հանրապետությունում (մենագրություն), Երևան: Մեկնարկ ՍՊԸ, 2020, 622 էջ:
5. Թովմասյան Գ., Վիրտուալ զբոսաշրջություն. ճանապարհորդի՝ տանը նստած, «Ամբերդ» տեղեկագիր, 2022/3, էջ 136-143, DOI: 10.52174/2579-2989_2022.3-136:
6. ՀՀ սոցիալական վիճակը 2019 թ., https://www.armstat.am/file/article/soc_vich_2019_25.pdf
7. ՀՀ սոցիալական վիճակը 2020 թ., https://www.armstat.am/file/article/soc_vich_2020_24.pdf
8. ՀՀ սոցիալական վիճակը 2021 թ., https://armstat.am/file/article/soc_sit_2021_24.pdf
9. Մշակույթ, <https://www.yerevan.am/hy/allmuseums/museums-of-yerevan/>
10. Admission to the Musée d'Orsay, <https://billetterie.musee-orsay.fr/en-GB/products?-famille=1933737738230400130>
11. Admission Tickets, <https://engage.metmuseum.org/admission/?promo-code=48946>
12. Biglietti di ingresso - Musei Vaticani e Cappella Sistina, <https://tickets.museivaticani.va/home/from-tag/1/1675800000000/Biglietti-Musei>
13. British Museum, <https://www.britishmuseum.org/>
14. Cup Noodles Museum, https://www.cupnoodles-museum.jp/en/osaka_ike-da/
15. El Museo del Oro, <https://www.banrepcultural.org/bogota/museo-del-oro>
16. Falk, J.H. (2016). Museum Audiences:

- A Visitor-Centered Perspective, *Loisir et Société/Leisure and Society*, 39(3), 357-370, <https://www.instituteforlearninginnovation.org/wp-content/uploads/2019/10/Falk-Museum-Audiences.pdf>
17. How many visitors do museums get daily?, <https://www.arnabontempsmuseum.com/how-many-visitors-do-museums-get-daily-2/>
 18. Identity and the Museum Visitor Experience, <https://jewishmuseummd.org/intern-weekly-response-identity-and-the-museum-visitor-experience/>
 19. International museum day, <https://imd.icom.museum/what-is-imd/imd-in-short/#>
 20. Leading museums by highest attendance worldwide 2019-2021, <https://www.statista.com/statistics/901072/museums-by-total-attendance-worldwide/>
 21. Leading countries worldwide with the highest number of museums 2021, <https://www.statista.com/statistics/1201825/top-countries-by-number-of-museums-worldwide/>
 22. Lindt Home of Chocolate, <https://www.lindt-home-of-chocolate.com/en/>
 23. Louvre Museum, <https://www.ticketlouvre.fr/louvre/b2c/index.cfm/calendar/eventCode/MusWeb>
 24. Madame Tussauds, <https://www.madametussauds.com/>
 25. Methodology For Our List of the Best Museums, <https://worldcitiesranking.com/methodology-criteria-museums/>
 26. Museo Subacuatico de Arte, <https://musamexico.org/>
 27. Museo de las Momias de Guanajuato, <http://www.momiasdeguanajuato.gob.mx/index.html>
 28. Museums Audience Report, 2018, pp. 1-16, <https://www.theaudienceagency.org/asset/1995>
 29. Museum Definition, <https://icom.museum/en/resources/standards-guidelines/museum-definition/>
 30. Museums Tourism Market Outlook (2022-2032), <https://www.futuremarketinsights.com/reports/museum-tourism-sector-overview>
 31. Museum sector enjoyed growing numbers of visitors in 2021, <https://blooloop.com/museum/news/museum-sector-covid-attendance-recovery-2021/>
 32. Mouth to mouth, <https://www.micropia.nl/en/discover/stories/mouth-mouth/>
 33. National Gallery of Art, <https://www.nga.gov/visit.html>
 34. Official tickets fares of the Uffizi Galleries, <https://www.uffizi.it/en/pages/tickets-fares>
 35. Purchase of Online Tickets, <https://www.hermitagemuseum.org/wps/portal/hermitage/tickets>
 36. Romano A., These 12 Famous Museums Offer Virtual Tours You Can Take on Your Couch, <https://www.travelandleisure.com/attractions/museums-galleries/museums-with-virtual-tours>
 37. Spy Museum, https://www.spymuseum.org/?_ga=2.159543096.486771450.1675072882-830071564.1675072882
 38. The Dog Collar museum, <https://leeds-castle.com/attraction/dog-collar-museum/>
 39. The Egyptian Museum, <https://egymonuments.gov.eg/en/museums/egyptian-museum>
 40. The Museum of Bread Culture, <https://museumbrotundkunst.de/en>
 41. The Museum of Broken Relationships, <https://brokenships.com/explore>
 42. Virtual tours, Enjoy the Louvre at home!, <https://www.louvre.fr/en/online-tours#virtual-tours>
 43. Welcome to the Museo del Prado, <https://www.museodelprado.es/en/visit-the-museum>
 44. 60 Best Museums in the World, <https://worldcitiesranking.com/best-museums-in-the-world/>
 45. 7.8 million visitors to the Musée du Louvre in 2022, <https://presse.louvre.fr/7-8-million-visitors-to-the-musee-du-louvre-in-2022/>
 46. 10 Of The Most Unique Museums Around The World, <https://www.tatlerasia.com/lifestyle/travel/hk-unique-museums-around-the-world>
 47. 10 tips to increase visitors to your museum, <https://www.softplay.com/blog/10-tips-to-increase-visitors-to-your-museum/>

